



**Kurtze Antwort, D. Jacobi Andree, auff Herrn Johan Sturmij
Buch, Antipappus Quartus genant. : Darinnen angezeigt wird,
mit was greifflicher vnd erschreckenlicher blindheit Sturmius
vnd andere Sacramentirer geschlagen seien. Allen fromen
Christen/ besonders der Christlichen Gemein zu Straßburg,
zur |warnung geschrieben.**

<https://hdl.handle.net/1874/454340>

Kurze Antwort/

D. Jacobi Andree / auff

Herrn Johan Sturmijs Buch/ *ein lügenhaftes*
Antipappus Quartus *Schulmeisters kaptivität*
genant. *5 mit Engel bötz*

Darinnen angezeigt wird / mit was greiff-
licher vnd erschrecklicher blindheit Sturmius
vnd andere Sacramentirer ge-
schlagen seien. *Welche Sturmius antrage*
gegenwärtig dem lichte drey

Allen fromen Christen / besonders der Christ-
lichen Gemein zu Strassburg / zur
warnung geschrieben.



Gedruckt zu Dresden /
Anno 1581.

Handwritten text at the top of the page, possibly a title or header.

Large, faint, mirrored text across the top, likely bleed-through from the reverse side of the page.

Two lines of faint, mirrored text below the top section, also appearing to be bleed-through.

Two lines of faint, mirrored text in the middle section, continuing the bleed-through pattern.

Two lines of faint, mirrored text near the bottom of the main text area.



Handwritten text at the bottom of the page, possibly a date or signature.

Dem Edlen besten hochgelarten Herrn Lud-
wig Grempl von Freudenstein/ der Rechten Doctorn/ &c.
seinem großgünstigen lieben Herrn/ Wünschet Iacobus Andrea D.
gnad vnd friede in Christo Ihesu / sampt einem glück-
seligen Neuen Jahre.

Der bester vnd hochgelarter / groß-
günstiger lieber Herr. Nach dem wir im nechstuorschie-
nen Monat Maio zu Marggrauen Baden/ vnserthals
ben vngefchr/ aber vngezweiffelt/ aus besonder schickung
vnd vorsehung Gottes zusamen komen / Vnd vnter andern auch
des Herrn Iohan Sturmij gedacht worden / haben ihr auff mein be-
schehen frag (was sich doch gedachter Sturmij in seinem hohem al-
ter zeibe/ das er sich in die Religions streit der gestalt/ in offentlichen
schrifften / welche nicht seines beruffs sein/ vnd die er nicht verstehet/
einmenge) mir geantwortet/ ihr köndten euch selbst nicht gmugsam
darüber verwundern. Dieweil er vor vielen Jaren/ da er noch etwas
jünger vnd vormägentlicher gewesen/ sich darzu niemand vermögen
lassen/ Ober wol deshalb mehrmals vermanet vñ gebeten worden.
Dardurch ich bewegt worden/ weil er in seinem Antipappo Quar-
to, meiner abermals/ wie des Pilatus im glauben/ doch mit offenbar-
ren landkundigen vngrunde gedacht/ ein kurze erinnerung/ so viel als
mein Person belangt / von gedachtem seinem Buch zuschreiben.
Denn was die ausführliche widerlegung desselben belangt/ vngezwei-
felt/ D. Dsiander vnd D. Pappus ime nichts vergessen werden.

Welches ich darumb auch deutsch gethan habe/ auff das nicht
allein die gelerten zu Straßburgt/ sonder auch die gemeine Bürger-
schafft/ besonders aber die in der Fischer zunft doselbsten/ sollichs
auch lesen/ oder ihnen lesen lassen können Vnd daraus vernemen/
was Iohan Sturmij in geistlichen vnd glaubens sachen für ein
herrlicher fürtreffentlicher Mann seye / Der sich wider alle ihre ges-
trewe gelehrte auffrichtige beständige reine Lehrer vnd Prediger se-
hen / vnd ihr lehre vnd bekentnis / die auch vnser / ja der warhafftis-
gen

In Kirchen Gottes ist / so vnuerschambe / ohne allen grunde Gottes worts / in öffentlichen Druck vor aller welt angreifen / vnd solche grewliche ergerliche spaltung erregen darff.

Demnach aber vnd weil ich von vielen Jahren her wol weiß / das ihr ihe / als ein geleerten Man in Sprachen / herzlich geliebet vnd geehret / vnd wegen der langen vnd viel Jahr werender kundtschafft vnd freundschaft / so zwischen euch beyden gewesen / vor andern allen seinen Freunden viel an ihe vornögen / Hab ich nicht vnterlassen können / euch dis freundlich vnd dienstlich schreiben zuthun / vnd zu bitten / ihe den Herrn Sturmium doch freundlich zuerinnern (gleich wol nicht der meinung / das wir vns vor ihe in dieser sachen fürchten / sondern so viel an vns / ihe ein guten Namen bey menniglich / sonderlich aber den rechtglaubigen Christen zuerhalten geneigt / vnd nicht gern sehen / das er erst in seinem hohen Alter zu schanden werden sollte) das er zu forderst Gott im Himmel fürchten / des Herrn Christi Testament / seiner Kirchen / auch seiner selbst schonen / vnd sich in solche Religions sachen nicht ferner mengen wolte / die er nicht verstehet / die auch nicht seines beruffs sein / darinnen er zu spott vnd zu schanden worden / vnd noch weiter werden würde / da er / wie er angefangen / fortfahren solt / welches ich ihe nicht gönnen wolte.

Sonderlich aber / das er die Christlichen Churfürsten / Fürsten vnd Stände Augsp. Confession besser in acht nemen wolte / deren widerholete einfeltige bekentnis ihres glaubens das Buch der Concordien ist / welches er so schimpfflich vñ lesterlich vnter dem Namen der Bergischen Väter / wie er sie hönisch nennet / ausgeruffen hat / Sonder bey sich selbst als ein geleerter Man bedencken / vnd ermessen / das ihe selchs keines wegs gebüre / auch vngezweiffelt einem Erbarn Rath zu Straßburg hiermit kein gefallen geschehen ist.

Daran thut ihr dem allmechtigen ein angenehmen wolgefallen / dem Herrn Sturmio ein besondere freundschaft / Welchs gemeiner Stadt Straßburg zu ehren / derselben Kirchen vnd Schulen auch vngezweiffelt zum besten dienen wirdt / Vnd bin ich euch jederzeit zu dienen mehr denn willig. Geben zu Dresden den 20. Decemb. 1580.

Das hat Johan
Sturmius/ Rector der hohen
schule zu Strasburg abermals ein
Lateinisch Buch im Truck ausgehen

lassen/ das er Antipappum quartum nennet/ Darin *Sturmi*
nen er sich vnterstehet/ wider etliche Theologen Aug- *Antipappus*
spurgischer Confelsion, besonders wider D. Pap- *Quartus.*
pum, vnd Lucas Osiander sich zuuerantworten / so
gleicher gestalt in offnem druck wider iue geschrieben
haben.

Der haupthandel aber/ darumb es vornemlich *Haupt besach*
zuthun/ vnd darüber sie vneinig sind/ ist dieser: Das *des Streits*
ermeltē Sturmius vñ seinen anhang verdrossen hat/ *zwischen Stur-*
das in dem Christlichen Concordien Buch/ so/ Gott *mio vnd den*
lob/ nicht allein vnter der Kirchendiener/ sondern zu *Theologen.*
vorderst der Christlichen Churfürsten/ Fürsten/
Grauen/ Herrn vnd Stedte namen Augspurgischer
Confelsion zugethan/ in offentlichem truck ausge-
gangen/ die Caluinische Lere/ von etlichen vornemen
Hauptstücken Christlicher Lehr einbellig/ austrück-
entlich/ vnd öffentlich verdampft worden ist.

Ob er mich aber gleichwol auch beneben andern
getrewen reinen Lehrern der Kirchen / so er mit höni-
schen namen die Bergischen Väter nennet / gantz
A iij heffig/

bessig / doch mit offenbaren vngrundt angegriffen.
Hab ich doch auff dismal hieruon gar nichts hand-
len / sondern dasselbig auff ein andere zeit / vnd bessere
gelegenheit sparen / vnd ihzunder allein die Summa
vnd den Inhalt seines Buchs fürnemen / vnd ime
mit demselben der ganzen Christlichen gemeine
zu Strassburg vorstellen wollen / Darmit nicht
allein ein Erbarer Rath / sondern auch ein ganze
Christliche gemein daselbst sehen mögen / was für
ein Man mehr gedachter Ioan Sturmius in Religions
vnd Glaubens sachen vnd geübter Christlicher Rit-
ter seie / Vnd da sie in zuuor nicht recht erkennen / jetzt
lernen mögen / was sie von diesem hochgelerten Man
halten sollen.

Sturmius
schreibt wider
das Concordie
Buch / das er
noch nicht ge-
lesen hat.

Dann nach dem dis ernstlich sein vornemen ist /
das er gern vorgedacht Buch der Concordien sampt
allen denen / die es gemacht vñ vnterschrieben haben /
ben allermenniglich vorhasst machen wolt / schemet
sich der alte siebenzig ierig Man nicht nochmals
zuschreiben / das er dasselbig Buch noch nicht gelesen
habe.

Ist nu das war / wie ich es ime billich glauben
sol / so gebe ich allen Erbarn vorstendigen Leuten
zuerkennen / Ob er nicht wirdig seye / vnd wol ver-
schuldet habe / das in seine Schüler in der obersten
Glassenemen / vnd geben im mit einer handtvölligen
Ruthen /

Rathen/ ein guten starcken schilling / das er darff/
was nicht allein vnter so vieler Kirchendiener/sonder
zuuorderst so vornemer Christlicher Churfürsten/
Fürsten vnd Stände namen ausgegangen/ so lester-
lich anziehen / vnd sich gleichwol noch so vnuor-
schambt rühmen/ das er es nicht gelesen habe/ dessen
sich ein geleterter so alter vorlebter vnd weitberühmter
Man in sein hertz hinein / vor Gott vnd den Men-
schen billich schemen solte / wann einige scham oder
Gottes furcht noch in ime were.

Zum andern / So viel das Heuptstück in der
Lehr belangt / des wegen er mit dem Buch der Con-
cordien vnd vns nicht enig ist / Nemlich / von dem
hochwürdigen Sacrament des Leibs vnd Bluts
Christi/ bestehet sein meinung/ bekentnis vnd rath
auff diesen dreyen Articeln.

Erstlich/ Das man die Wort des Testaments
Christi/ Das ist mein Leib 2c. Das ist mein Blut 2c.
nicht verstehen sol / wie sie lauten / sondern man sol
den rechten eigentlichen verstand in den schrifften der
Altväter vnd Kirchenlerern suchen / vnd sehen / wie
dieselbige diese wort erkleret vnd verstanden haben.

Zum andern/ Schreibet er mit ausdrückent-
lichen Worten/ das die alten Kirchenlerer vnd Väter
solche wort nicht in gleichem/ sonder widerwertigen
verstandt ausgelegt haben / Also/ das dieser Streit
aus

Jo. Sturmij
Bekentnis
vñ Rath vom
Streit vber den
Artickel vom
H. Abendmal.

I.

Jo. Sturmij
Glaube.

II.

Herrlich zeug-
nis Jo. Stur-
mij von der
alten Lerer
schrifften.

aus iren schrifftten nicht könne entscheiden / oder hiez
geleget werden.

III.
Rath Stur-
mij.

Zum dritten / Darumb habe der Hochgelarte
Mann Philippus Melanthon geraten / das Gelehrte
leute zusammen kommen / vnd sich mit einander vor-
gleich von Formis loquendi das ist / wie man vff
ein einhellige form der rede vnd gleichlautende wort
schliessen möchte / das alle Lerer zu gleich einerley
wort gebrauchen / wann sie von diesem Sacrament
leren / vnd gleichwol ein jeder sein eigen meinung / vnd
also widerwertige meinung darunter behalten / Dis
sey auch / seiner meinung nach / der einig vñ richtigste
weg zu der einigkeit / so in diesem streit möchte getrof-
fen werden.

Dis ist das Hauptstück vnd der inhalt seines
Buchs / darauff es / so viel diesen handel antrifft /
ganz vnd gar bestehet.

Examen
der bekentnis
Io. Sturmij.

Nun gebe ich allen frommen herzen / Hohes vnd
Niderstandts / Gelehrten vnd vngelerten / Lehrern vnd
zuhörern zuerkennen / was sie von diesem Mann / sei-
nem glauben vnd bekentnis halten sollen.

Sturmijus
weist die leute
von Christi
wort auff men-
schen glos.

Der vns erstlich von den dürren klaren hellen
worten des Testaments Christi / in der alten Kirchen
Lerer vñ Peter finstere vngewisse / vnd / seinem eignen
bekentnis nach / vngleiche vnd widerwertige schriff-
ten weist / als ob niemand kein rechten verstandt aus
den

den Worten Christi nemen / oder desselben gewis sein
fönte / der die Schrifft der Altucter vnd Kirchenle-
rer nicht zuuor gelesen hette.

Darnach wann gleich einer diese zeit vnd arbeit
darauff wendete / das er solchen verstand in der Be-
ter Schrifften suchen wolte / so bekent Sturmius frey
rumbt / das die Peter selbst in auslegung dieser wort
nicht einig sein. Wer wil den ein solchen Menschē sa-
gen / welcher aus den Petern vñ alten Kirchen lerern /
den rechte verstand getroffen hette / dergestalt der ein-
seitig Christ / nach dieser arbeit in seinem glauben viel
vngewisser würde / denn er zuuor gewesen / ehe er der
Peter Schrifften gelesen hatte.

Sturmius
weist von
den gewissem
auff das vñ
gewisse.

Letzlich aber auff das meniglich sehe / das die
ser man ein lauter Epicurer seye / so bestetigt er Phi-
lippus Melanthon's Rath / man sol sich mit einander
in Worten vergleichen / wann schon der verstand der
Worten vñnerglichen bleibe / vnd solchs sey der einig
weg zur beständigen einigkeit. Das kan mir doch ein
herrlicher rath sein / vnd da der Churfürst zu Sach-
sen vor fünff jaren gewust / das Sturmius so ein tref-
fenlichen Rath zu diesem werck hette geben können /
S. Churf. G. inē hette billich auch zu den Bergische
Petern beschrieben vnd seines dienstis gebraucht ha-
ben. Heist aber das nicht beides Gottes vñ der Men-
schen nicht allein im hertze / sondern auch mit Worten
offenlich gespottet e

Iob. Sturm.
ein Academia-
scher vñ Epis-
coper.

B Dann

Joan. Star-
mius spottet
Gottes vnd
der menschen.

Dann ist so gar nichts daran gelegen / wie die-
ser vnseelig Man vorgibt / es sey einer dieser oder der
andern meinung / vnd glaubens / wann man allein
in worten mit einander einig seye: So können die
Sacramentirer / die Caluinianer oder Zwinglianer
vor Gott nimmermehr verantworten / das sie ein
solch greulich ergernis one not angerichtet / vnd die
Kirchen so jemerlich mit diesem streit vom hochwür-
digen Sacrament betrübet haben.

Ist aber vns Christen hoch daran gelegen / das
wir den einfeltigen rechten verstand der wort Christi
behalten / denn es sind wort seines Testaments / die
man nicht endern / noch anders verstehen sol / dann
wie sie lauten / darinnen von ernstlichen sachen ge-
handelt wird / so ist es abermals die höchste vngott-
seligkeit / an den Caluinianern / vnd an diesem alten
siebenzig jährigen Mann der grössste vnuerstand
vnd vergessenheit / das sie so ein schlechte sache aus
diesem streit machen.

Demnach / vnd auff das aller kürzest / gründ-
lich dem Sturmio auff seine drey Artickel zuantwor-
ten. Sollen alle fromme Christen hoch vnd nied-
erstands / belert vnd vngelert wissen / das Sturmio
erster artickel vñ aller seiner gesellschaft / anders nichts
sey / dann des Teuffels der alten Schlangen eingebet
vnd Stimme / vnd er derselben Aduocat, da er sagt:
das

Antwort auff
Jo. Sturmii
Artickel.

Antwort auff
den ersten Ar-
tikel.

das man diese wort des Testaments Christi/ Das ist
mein Leib etc. nicht nach dem laut des Buchstabens/
sondern anderst verstehen sol/ denn sie lauten/ vnd
das man derselben rechten verstant erst in der Veter
Schriften suchen sol.

Dann eben also vnd auff kein andere weise/ hat
diese alte Schlang der Teuffel Heua vnser erste Mut-
ter im Paradis betrogen/ da sie sich lies von dem ein-
feltigem verstand des Gebots Gottes treiben/ da
Gott sagt: Sie solten nicht essen von dem Baum des
erkentnis Gutes vnd Böses/ sonst werden sie ster-
ben/ Die Schlang aber saget/ Ihr werdet mit nichte
des Todts sterben/ sondern jr werdet sein/ wie Gott.
Deren sie glaubt/ vnd sich selbst sampt iren nachkom-
men in euffersten Jammer gestürzt hatten.

Derwegen die vermanung S. Pauli allen
fromen herzen wol beuolen sein sol/ da er geschrieben
hat/ Ich fürchte/ das nicht/ wie die Schlang Heua
verfüret mit irer schalckheit/ Also auch Ewere Sin-
ne verrückt werden von der einfaltigkeit in Christo.

Darumb las sich kein Christ von dem Text auff die
Glosa/ von den gewissen/ klare/ hellen/ deutlichen ein-
feltige worten Christi/ auff vngewisse/ vngleiche aus-
legung für/ sondern bleibe bey den worten des Testa-
ments Christi/ vñ bey dem einfeltigem verstand dersel-
be/ vnd las dichs nicht irren/ das du diesen einfeltigen
B ij vorstand

Jo. Sturm-
us des Teuf-
fels Advocat.

Gen. 3.

Christen soll
sich von der
einfalt nicht
abführen lassen.

2. Cor. 11.

” NB.

”

”

”

”

”

”

”

”

”

”

”

”

”

”

verstand mit deiner vornunft nicht begreifen kanst /
sondern neme nach der Lere S. Pauli dein vernunft
vnd menschlichen verstandt gefangen in dem gehor-
sam Christi / glaube seinem wort einfaltig / thu
nichts daruon / noch darzu / so bistu sicher in deinem
herzen vnd gewissen / vnd kanst nicht fehlen. Denn
es ist das wort des Allmechtigen Sons Gottes / der
die warheit selbst ist / der nicht liegen kan / vnd was er
redt / das vermag er auch zu leisten / daran jne kein
Creatur vorhindern kan.

Ungleiche
auslegung der
alten Kirchen
Lerer.

Sturmhus
weist die leut
von Christo in
der Wäler
schriff.

Der ander Artickel ist alzu war / das Sturmhus be-
kennet / die alten Veter vnd Kirchen lerer sein in der
auslegung der Wort des Testaments Christi nicht
einig / sondern das sie dieselbige in ungleichen ver-
stand ausgelegt haben. Weil dann dem / auch des
Sturmhus eigener bekentnus nach / also ist / gebe ich allen
rechtschaffenen Christen menschen zu erkennen / Ob
nicht Sturmhus auch seine natürlichen verstand verlor-
re habe / das er vns in der Veter schriffen weist / den
rechten verstand erst bey jnen zuholen / von denen er
bekant / das sie in dem nicht einig sein. Heist das nicht
die leut vom Liecht in die Finsternis / vom gewissen / zu
dem / das ungewis ist / weisen?

Nu wird ein jeder Christ sich selbst zu bescheiden
wissen / wenn er höret / das die alten Kirchen lerer /
unter sich selbst in der auslegung dieser wort nicht ein-
ig

nig seien/ Christus aber ist nit mit sich selbst vneins/
So wir je auff eines teils wort gehen / vnd beruhen
müssen/das es viel sicherer sey/ Wir glauben vñ blei-
ben bey den einfeltigen durren hellen klare deutlichen
worten Christen einfeltig / denn das wir vns von
seinem wort/auff der Menschen wort/vnd derselben
widerwertige menschliche auslegung führen lassen?

Dann es ist doch nur allein vmb dis einig stück
zuthun/ daran sich die menschliche vernunft stößet/
die nicht gerne etwas gleubet / sie könne es dann mit
iren sinnen oder verstandt begreifen / Wann Chri-
stus das Brot nimbet/segnet vnd sagt/ Das ist mein
Leib/ etc. das wir einfeltig bekennen/ Wir können
solchs mit vnser vernunft nicht begreifen / Aber
weil es Christus sagt/ die Allmechtige warheit/
das wir es einfeltig Glauben/ vnd seiner Allmacht
befehlen/wie es zugehe/oder geschehen könne.

WJe wir denn von dem hohen Artikel von Er-
schaffung Himmels vnd der Erden nur ein einfeltiges
wort haben/ Das Moses schreibet: Im anfang
schuff Gott Himmel vnd Erden/wie es aber zugegangen
sey/das wissen wir nicht/ Wir glaubens aber/ Er
hats gesagt / vnd es ist geschehen. Der nun das
größer vermag / der vermag auch das geringer /
bey welchem nichts vnmöglich ist / Luc. am 1. Wer
aber sich an dem einfeltigen wort Gottes nicht wil

Viel sicherer
des Herren
Christi wort:
denn der Va-
ter schrifftes
zufolgen.

Der schwerest
knot im streit
vom heiligen
Abendmal.
vnd
Wie er zu
überwinden.

Gen. 1.

setztigen lassen / der würde nicht allein von den einseitli-
gen Worten des Testaments Christi abweichen / son-
dern auch alle Artikel vnsers Christlichen Glau-
bens verlieren / die alle wider vnser vernunft seind.

Unchristlicher
rath Philippi
vnd Sturmij.

Zum dritten / das Philippus Melanthon ge-
rathen / wie leider das seine offenbare Schriffren
ausweisen / vnd Sturmijus bestetigt hat / Das gelehr-
te Leut zusammen kommen / vnd sich mit einander
vber einerley form der reden vergleichen. Was be-
darff es dieses Rathes? Dann gesetzt / das alle Ge-
lerten aus der gantzen Christenheit zusammen kom-
men solten / köndten sie auch eine bessere form der
wort stellen / dann wie sie Christus der Herr selbst
geredt / vnd die Euangelisten einhellig beschrieben
haben? Wer wil besser / deutlicher / verständlicher
eigentlicher reden denn der Sohn Gottes? Der das
wort des Vaters ist.

Kein Syno-
dus von nöten
das man sich
einerley form
der reden ver-
gleichet.

Vnd da sich gleich die Gelerten einerley wort
vnd reden mit einander verglichen / vnd treten
doch im verstandt nicht zusammen / sondern behielten
ein jeder sein meinung / vnd füreten also widerwer-
tige Leer vnd glauben / vnter einerley Worten / was
were der Kirchen darmit geholffen? Weren nicht
einfeltige Christen dardurch schendlich betrogen?
Darbey abzunemen / was für ein schendlicher / vnd
da es allein Weltliche Leibliche sachen anlangete / ein
vnerbar

vnerbarer vnchristlicher Raht das sey / den dieser
 Grammaticus für den einigen richtigen Weg zur
 Christlichen einigkeit vorschlecht / Dardurch hohes
 vnd Niders standes Personen / fromme vnd Gottes-
 fürchtige Leut schendlich betrogen / vnd hinder das
 Licht gefüret worden / Wie ich denn Sturmio zu sei-
 ner zeit etwas ausführlicher / da er es nit wissen wil /
 zum augenschein beweisen wil / Vnd ist offenbar /
 welcher gestalt / leider / die Calvinianer dieser zeit mit
 scheinbarn worten / vnd also / von der warhafftigen
 gegenwertigkeit des Leibs vnd Bluts Christi im
 heiligen Abendmal redē / das einfeltige frome hertzen
 nicht anders vermeinen / als hielten sie es mit vns /
 vnd als were deshalb kein streit vnter vns / sonder
 allein sonst ein haß vnd feindschafft / das wir nit mit
 einander stellen können / so sie doch darneben reden
 vnd schreiben: Das Christus Leib so weit vom
 Brodt des Abendmals sey / vnd bleibe bis an den
 jüngsten tage / so weit der oberste Himmel von der vn-
 tersten Erden / vñ das noch erschrecklicher zühörē ist /
 dz Gott mit aller seiner Allmechtigkeit vnmüglich sey
 zuerschaffen / Das Christus Leib zu gleich in Hi-
 mel vnd auff Erden gegenwertig sey / oder sein könne.
 Ja das Christo vnmüglich sey nur zu wollen / das
 wir sein Leib mit dem Munde essen sollen. Darob
 sich ein from Christlich hertz billich ensetzen sol-
 le.

Scheinbare
 reden der Cal-
 uinianer.

Gotteslester-
 liche reden der
 Calvinisten.

I.

II.

Gotteslester-
 rung der Cal-
 uinianer wie-
 der Christum /
 vnd die All-
 mechtigkeit
 Gottes.

III.

Aus

Aus welchem alle Gottselige leut zuuernemen
haben/ was für ein vngelerter thörichter vnuerstän-
diger in heiliger Schrift vñ Göttlichen sachen vnver-
sarnier Man Iohan Sturmius sey/ der sich eines sol-
chen hohen Bercks vnterwindet/ vnd so Kindisch
vnd lesterlich daruon schreibet/ das alle vernünfftige
Leut bekennen müssen/ der Alte Man gehe in die
Aberwitz/ vnd wisse selbst nicht/ was er rede oder
schreibe.

Johan Stur-
mius sol inn
sein Schul
Religire wer-
den.

Wil demnach in kein zweiffel setzen/ wann from-
me hertzen diese kurze Erinnerung von seinem Buch
lesen/sie werden alle mit mir in dem einig sein / das
man jne das Handwerck niderlege/ von Religions
streitē weiter zuschreiben/dan er kans nicht. Darge-
gen aber jne in seine Schul schiecke/vnd lasse in daselb-
sten der Heiden Bücher den Knaben vorlesen/darmit
er seine zeit zugebracht/ vnd die Jugend in sprachen
der Lateinischen vnd Griechischen Leren vnd vnter-
weisen sol.

Vnderschiedne
Gaben des H.
Geists in der
Kirchen.
1. Cor. 10.
1. Pet. 4.

Vnd erinnere in aus der Epistel S. Pauli/das
es vnterschiedene Gaben des heiligen Geists seyen/
mancherley Sprachen verstehn/ Sprachen auszu-
gen vnd Weissagen/ vnd Geister zu vnterscheiden/
vnd wisse/das S. Petrus die jenigen neben die Diebe
vnd Mörder an einen Reyen stellet / welche in ein
frembd ampt greiffen/ vnter welchen auch gezelt wer-
den

den sol ein Jurist / zu dem vns Ioannes Sturmius in
seinem Buch weisen / den rechten verstand der wort
Christi vom heiligen Abendmal zu holen / so allerley
lester-schriefften zu vnsern zeiten wider vnser Christlich
bekenntnis / sonderlich aber wider das Buch der Con-
cordi, im Truck ausgehen lassen / vnd nicht so Erbar
ist / das er seinen Namen darzu bekennen darff / wel-
cher zu seiner zeit / auch der gebür nach / sol zu gleich
dem Sturmio empfangen / vnd wider in sein Barto-
lum vnd Baldum gewiesen werden.

Sonderlich aber solten sich diese Grammatici,
Iuristen, Medici, vnd vermeinte Philosophi, so dieser
zeit der Theologen Reformatores sein wöllen / erin-
nern / vnd des Tags mehr dann einmal lesen / das ge-
schrieben stehet im andern Buch Samuelis im 6. Cap.
von Bsa dem Sone Abinadab / ober welchen des
Herrn Zorn ergrimmet / vnd schlug in / das er starb
bey der Lade Gottes / vmb seines freuels willen /
darumb / das er zugreiff vnd die Lade Gottes hielt /
da die Kinder beseit aus traten.

Dann ime vnd seinem Bruder Achio war von
David beuohlen den newen Wagen zu treiben / den
Leuiten aber / die Lade Gottes anzugreifen. Da aber
Bsa in ein frembd Ampt getreten / vnangesehen / das
er es ungezweiffelt guter meinung vñ aus einem eifer
gethan / jedoch weil es im nicht beuohlen gewesen / ist
er vmb

Apoc 20. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Ein jeder sol
seines beruffs
warren.

2. Samu. 6.

S er vmb

er vmb seines freuels willen gestrafft / vnd auff dem
Platz getödtet worden.

Dieses vrteils haben sich auch diese Gramma-
tici, Iuristen, Medici, vnd vermeinte philosophi zuuer-
sehen / welche vermeinen / wañ sie nicht mit irem Bar-
tolo, Galeno, vnd Aristotile, iren Theologen zusprin-
gen / vnd vnter die arm greiffen / so würde nit allein die
Lade Gottes vmfallen / sondern die Christliche Kirch
vntergehen / wie solches an den Calvinisten zu sehen /
da in gegenwart vornemer Chur vnd Fürsten / die
Medici vnd Iuristen / den Calvinischen Theologen /
so gleichwol Doctores der heiligen Schrift gewesen /
die Argumenta zuuor eingiessen müsten / wie sie iren
Calvinischen schwarm verantworten sollen / In
massen denn sie solches nicht laugnen können / vnd da
sie so vnuerschampt weren, vñ solchs leugnen wolten /
desselben oberwiesen werden können. Aber wie die
Kirch ist / so ist auch der Pfarherr / vnd wie die Leer
ist / so hat sie auch verteidiger.

Der beste aber vnd sicherste / ja der einig vnd rechte
weg ist / das ein jeder in seinem beruff bleibe / das
Abio vnd Vsa auff dem wagen / der die Lade Gote-
tes tregt / die Leuiten aber auff die Lade Gottes war-
ten. Das ist / das keiner weiter gehe / denn sein beruff
von ime erfodert / so wird es allenthalben recht zu
gehen.

Das

Das geschieht aber/wann die Juristen des Rathshaus / die Medici jrer profelsion vnd der Krancken / die Schulmeister der Schul / vnd die Prediger des Predigstuls fleissig warten / so hat ein jeder gnußsam / ja seine hand vol zuthun / das er sich eines frembden Amptes nicht annehmen wird.

Wann aber die Juristen Pfaffen sein / vnd den Predigstul regieren / vnd viel besser denn die getrewen Kirchendiener wissen wollen / was man leren / vnd wie man die Leere verteidigen sol / vnd widerumb die Pfaffen Regenten sein / vnd der Regierung vorschreiben vnd maß geben wollen / wie sie in allen vorkommenden sachen vrtheil sprechen sollen / da wird beides in der Kirchen Gottes vnd auff dem Rathhaus / oder in der Regierung vbel hauff gehalten.

Es sol wol ein jeder Christ / was stands er ist / wissen / was er glauben oder nicht glauben sol / vnd da es von ime erfordert / schriftlich oder mündlich seines glaubens bekantnus von sich geben / vnd denselben verantworten können / nach eines jeden gaben / die ime von Gott gegeben ist.

Aber sich dessen vnterwinden / das den Predigern vnd Leerern zu gehöret / das ist Gott so angenehm / als da sich Chore Abyron vnd Datan wider Mosen vnd Aaron setzten / vnd sagten zu inen / jr machts zu viel / denn die ganze gemein ist vberal heilig. Von

Beym vermischung der beruf vnd ampten kein segens Gottes.

Wie weit sich ein Christ / der kein Prediger ist / der Aeltst gton annehmen sol.

Exempel der straffe / deren / die inn ein frembd Ampt greiffen. Num. 16.

welchen geschrieben stehet / das die Erden vnter men
zureiß/ iren mund auffgethan/ vnd sie verschlungen
habe mit iren heusern/mit allen menschen die bey Ko
rah waren/mit aller irer habe/ das sie hinunter leben
dig in die Helle furen. Dann diß sind eben auch dieser
Caluinischen Grammaticorum, Iuristen, Medicorum
vnd vermeinten Philosophen reden/ das sie sagen/ die
Luterischen Pfaffen machen es zuuiel/ sind wir nicht
alle Christen? solten wir nicht so wol diese glau
bens vnd Religions streit entscheiden können/ als
die Pfaffen? vnd was dergleichen mehr freueler re
den sein.

2. Cron. 28. Item/ Es ist dieser ir freuel Gott so angenehm/ als
da Bria der König Reuchert/ welchen Gott als bald
geschlagen/ das er sein lebelang aussätzig sein mußte.

Diese Exempel wollen solche vnseelige Gramma
tici, Iuristen/ Medici, vñ vermeinte Philosophi (dan
die andern wil ich hiermit keines wegcs gemeint
haben/ die in ihrem Göttlichen beruff bleiben/ vnd
demselben treulich auswarten) wol mercken vnd zu
herzzen fassen/ vnd sich darbey erinnern/ das ein jeder
in seinem beruff bleibe/ demselben fleißig abwar
darneben Gottes Wort fleißig höre/ lese/ bete/
vnd lasse das vberig die Kirchendiener verrich
ten/ so darzu beruffen sind/ das sie die warheit mit
grund Gottes worts vertheidigen/ wie geschrieben
stehet.

stehet: Des Priesters lippen sollen die lehr bewaren/ *Mat. 2.*
das man aus seinem munde das gesetz suche/ denn er
ist ein Engel des Herrn Zebaoth. So sollen sie wiss-
sen/ das sie Gott segnen werde.

Also hatt auch die Stad vnd hohe schul zu
Straßburg ihre Kirchendiener/ die gelert/ vnd
trew in irem Ampt sein/ vnd wissen die vngeweißelte
warheit mit beständigem grund Gottes worts/ ge-
gen allermenniglich zuuerantworten/ Die mit dem
Buch der Concordien/ welchs in der Christlichen
Schurfürsten/ Fürsten vnd Stende Augsp. Confes-
sion, wie auch derselben Kirchendiener einhellig be-
kannnus/ Gott lob/ durchaus alle sampt enig sein/
dasselbig auch mit iren eigen handen/ nicht aus leicht-
fertigkeit/ sondern wol bedacht/ vnd mit gutem
vnuerletztem gewissen vnterschrieben/ als das durch-
aus in allen Artickeln mit dem reinen wort Gottes
vberlein stimmet/ die auch so mechtig sind/ durch die
gnade vnd krafft des heiligen Geists/ vnd mit dem
wort Gottes also gefast/ das sie dis fals Sturmij oder
seines gleichen Schulmeister hülff nicht bedürffen.
Sondern er las ime geniegen/ das er die Ochsen vnd
den Wagen getrieben hat/ so die laden Gottes tregt/
das ist/ Er hat D. Iohan Pappum, als er sein Disci-
palus vnd Schüler gewesen/ in den Sprachen vnd
freien Künsten/ Gott lob/ also abgerichtet/ das er

Unterscheid
zwischen Ioa.
Sturmij vnd
D. Pappus
beruff.

jetzund dieselbige Waffen oder Werkzeug Gott zu ehren/ zu erklerung vnd ausbreitung der Göttlichen warheit/ vnd zu widerlegung der Irthumb vnd falscher Lere / auch wider seinen Przeptorn Ioan Sturmium vnd allermenniglich / nützlich gebrauchen kan/ Das Sturmius nicht thun kan / darzu auch er in der Kirchen zu solchem Ampt beruffen ist / vnd nicht Sturmius, sondern Sturmius sol in der Schul bleiben vnd seinem Ampt fleissig auswarten / vnd solcher junger Pappos viel auffziehen / vnd sich an diesem seinem beruff genügen lassen / so wird er von allen gelerten menschen hoch gehalten vnd gerhümet werden. Vnd da er auch rechte erkenntnis Gottes hat vnd solches alles aus glauben gethan / den ungezweiffelten lohn auch im Himmel empfangen. Wie es dann noch nicht zu spat ist / wann er umbkehret / vnd nicht nur in zwanzig Jahren einmal / sondern fleissig viel vnd offft zur Predige gehn / vnd der Jugendt hiermit ein gut Exempel vortragen / vnd hinfort der einfalt Göttlicher warheit nicht mehr sich widersetzen sondern seine Schüler auff dieselbige anweisen würde / vnd sich ferner dessen nicht annemen / das seines beruffs nicht ist / vnd das er nicht gelernet hat / wie er dann augenscheinlich siet / das er es nicht kan / sondern da er also fortferet / wie er vbel angefangen hat vor Gott vnd den Menschen noch mehr in spot vnd schanden sich setzen wird.

Das hab ich dir / lieber Sturmi / zum glückseligen
Newen ihar schreiben wollen / weil ich nicht erachten
können / das ich dir eine heilsamere gabe schicken mö-
gen.

Welche ich verhoffe dir darumb sol so viel desto
mehr angenehm sein / weil dir meiner / wie auch ande-
rer meiner mitbrüder dienst nicht zuwider gewesen /
sondern wol gefallen hat / den ich unwirdig Anno 12.
63. zu Straßburgk nicht allein dir / sonder Kirchen
vnd Schulen daselbsten / zum besten / geleistet /
dadurch Gottes gnade / die ergerlichen vnd gefehr-
liche zwyspalt zwischen dem ganzen Ministerio / als
den Kirchen vnd schuldienern verglichen / als der vn-
selig man D. Zanchus / beides kirchen vnd schul / vnd
gemeine Stadt schier in ein hauffen gestossen / gleich-
wol / da er seine vordampfte leer von der verfehlung
Gottes / das Gott den größern theil der menschen /
in seinem ewigen Rath / zum verdammus verordenet
haben solte / nicht verthedigen können / vnd die vor-
gleichung / so damals gemacht worden / angenom-
men / als bald / da du ihne vnter den armen / wie eine
braut / zum Tisch furtest / vnd batest / das er solt vn-
terschreiben / dis stücklein bewiesen / vnd mit nach-
folgenden worten vnterschrieben / Hanc Confessio-
nem VT piam iudico, I TA eam subscribo. Das ist /
Diese bekentnis / wie ich sie für gottselig halte / Also
vnter-

Hieronym.
Zanchus.

unterschreibe ich sie. Das ist so viel / als nichts / wie
er hernach bewiesen hat / Bey welchem einigen böse-
haftigen stück / du doch den Galuinischen Geist bet-
test sollen lernen kennen / vnd sich denselben nicht wei-
ter verführen oder verleiten lassen.

Warnung vñ
bermanag an
Sturmium.

Actor. 9.

Der allmechtige Gott bekere dich / vnd da du
solches thust / werden ungezweiffelt dir auch bald
vergeben / die du mit dieser vnd deinen vorgehenden
schrifften beleidiget hast. Welches du so gar nicht
für dich selbst gethan / das ich gantz vnd gar in fei-
nen zweiffel setze / wenn dich nicht vorneme Perso-
nen / so ich leichtlich errathen wolt / wer sie sein / dar-
zu vermocht vnd angehetzt / solches in deinem hohen
alter mit deinem grossen lob vnd rhum / wol verblie-
ben were: die verhoffet haben / du soltest es besser
können / vnd auch besser gemacht haben. Welches
dir doch unmöglich gewesen / weil du wider die
Göttliche warheit geschrieben hast. Denn wer wi-
der die warheit schreiben wil / nichts denn lügen
schreiben kan. Vnd da du fortfahren soltest / das ich
dir nicht gönne / wider den stachel lecken / vnd endlich
auch die erschreckliche stim Ihesu Christi würden
hören müssen / da er sagt: Saul Saul / was verfol-
stu mich: Es wird dir schwer sein wider den stachel
lecken / Actor. 9. Welche alle die jenigen zugewarten
haben / die sich der Göttlichen warheit widersetzen
Dar

Darfür dich der Allmechtige behüte / das ich dir
auch von grund meines hertzens wünsche / Vnd
dich zum beschluss doch nur noch eines erinnern
wollen / Das du bey dir selber wol bedencken / vnd
vns nicht für solche Stöck vnnnd Blöck halten
wollest / das wir nicht sehen / schmecken / riechen / vnd
greiffen köndten / das brot brot / vnd wein wein sey /
vnd das es ganz vnd gar keiner kunst / besonders
aber deines schönen vnd herrlichen lateins hierzu
nichts bedarff / vns desselben zubereden / denn kein
Bawer so grob ist / der das nicht glaube vnd ver-
stehe.

Zelmerung
an Jo. Stur-
mum.

Grosse weis-
heit vnd kunst
der Sacra-
mentiser.

Dargegen aber solstu wissen / das vns allein die
wort des Testaments Christi am wege stehen / das
er das Brot genommen / gesegnet / vnd gesagt hat /
Nemet / esset / das ist mein Leib. Desgleichen den
Kelch / Nemet / trincket / das ist mein Blut etc. des
newen Testaments. Vñ nicht des alten Testaments /
darinnen allein figuren / zeichen / vnd fürbildungen
gewesen sind. Sondern in diesem Sacrament des
newen Testaments / ist sekunder gegenwertig / was
in den Sacramenten des alten Testaments vorge-
bildet worden ist.

Was frome
Christen auff-
halte / das sie
nicht können
noch sollen
Caluinisch
werden.

”

”

Was für blut
im Sacrament
des Newen
Testaments
sey.



D Desgle

Desgleichen soltu auch wissen/ das wir nicht so
vngelert / vnd vnfleissig sein / das wir nicht solten/
besonders in so hefftigem streit der Kirchendiener/
gelesen haben die auslegung dieser wort/ wie sie die
alte Kirchenlerer erkleret haben.

Einfeltigkeit
der alten Kir-
chenlerer.

Welche/ ob sie wol geschrieben haben/ das das
Brod sey ein zeichen/ ein figur/ ein bildnus oder be-
deutung des Leibs Christi/ hiermit den vnterscheid
zwischen dem Element des brods / vnd dem Leib
Christi/ nach der leer vnd exempel S. Pauli anzu-
zeigen/ 1. Cor. 10. so wirst doch weder du / noch kein
Caluinist in alle ewigkeit aus ihren schrifften erwe-
sen/ das sie glaubt oder gelert haben solten / das
nichts mehr denn brod sey/ vnd der Leib Christi im
heiligen Abendmal nicht gegenwertig sein solte / wie
D. Luther vor 52. jaren den Sacramentirern in sei-
ner grossen bekentnus den trutz geboten hat/ das sey
dir vnd allen Caluinisten auch nochmals gesagt/
welechs gleichwol gegen deiner person nicht grosse
arbeit bedarff/ weil du selbst bekennest / das dir die
Väter etwas zu starck von dieser gegenwertigkeit
vnd niessung des Leibs Christi im H. Abendmal ge-
redt haben/ die mit dem munde geschehe.

Du wollest auch hierbey mit allem vleis / vnd in
der furcht Gottes bedensken / wohin doch endlich
deitte

Deine gesellen vnd glaubensgenossen gerathen sein/
 weil sie/ deinem erbar rath nach/die wort des Testa-
 ments Christi nicht verstehen sollen/ wie sie lauten/
 das sie nach der weissagung D. Luthers/ so vor 52.
 Jaren geschehen/ so lang den verstandt dieser wor-
 ten in den alten Vätern vnd iren schrifften gesucht/
 bis sie entlich in grosser anzal zu Arrianern vnd
 Mahomatisten worden sind/ vnd die ewige Gott-
 heit Christi verleugnet haben/ Seine wort lauten
 also: Vnd du solt sehen/ weil sie auff der bahn ge-
 hen/das sie Gottes wort wollen nicht mit dem glau-
 ben ehren/ oder nach einfeltiger weisse der sprachē an-
 nemen/ sondern mit der Sophistische vernunfft vnd
 spitziger Subtiliteten messen vnd meistern/ werden sie
 gar fein dahin kommen/das sie auch leugnen wer-
 den/**CHRISTVS SEY NICHT GOTT.** „ 
 Denn bey der vernunfft laut es ja so thöricht: „
MENSCH IST GOTT. ALS. BROD IST „
LEIB. Vnd weil sie eins leugnen/ werden sie gar „
 bald vnd frisch **DAS ANDER AVCH** „ 
LEUGNEN. Das sucht auch der Teuffel der „
 sie **AVS DER SCHRIFT** inn ihre VER- „
NVNFT gefäret hat/ das er alle alte Ketzeren
 wider herfür bringe. Bis daher Doct. Luthers
 wort.

Warnung für
 den Catholica-
 ner/ vnd wo-
 hin sie entlich
 getharen.

D. Luther
 im andern
 theil wider
 die Himlische
 Propheten.

Vnd dasselbige geschehen vnd leider erfüllet sey/
du nicht leugnen kanst/dan die exempel hastu vor der
thür gehabt/das du sie nicht weit in Siebenbürgen/
Hungern/Poln/oder anderswo vnter ewers glau-
bensgenossen suchen darffst/deren Kirchen Consens
vnd einigkeit ihr euch vielfeltig rhümen. Da sie
leider mit grossen hauffen zu finden/welche alle zu
vor Saluinisch gewesen sind.

Diz einig stück/solte dich doch/wie auch andere
deines Glaubensgenossen bewegen/vnd euch das
nachgedencken machen/das jr/nach dem Rath S.
Pauli (der besser ist denn deiner vnd Philippi Me-
lanctons Raht) Ewer vernunfft vnd verstand ge-
fange nemen in den gehorsam Christi/so were schon
durch Gottes gnade/friede.

So ist dir auch vnuerborgen/das die Saluinia-
ner nicht nur diesen irthumb haben/wie etliche be-
triegliche vnd ganz verschlagen vorgeben/ vnd ein-
feltige Leute darmit betriegen/sonder noch viel ande-
re/vnd vnter denselben viel erschrecklichere/dann die-
ser vom Sacrament ist/nemlich.

Grewli

Grewliche vnd Gots

teslesterliche Irthumb der
Caluinisten.

I.

Das Gott den grössern teil der Menschen / in
seinem ewigen Rath zum verdammnis ver-
ordnet habe / das sie nicht können selig wer-
den / sonder müssen ewiglich verdampft werden.

II.

Das nicht alle Kinder in der H. Tauff wider-
geboren werden / sonder allein die Kinder / die in dem
ewigen Rath Gottes / zu dem ewigen leben erweckt
sind.

III.

Das auch solchs nicht geschehe allezeit bey
diesem wasserbad / sonder solche wiedergeburt ges-
chehe offtermals erst im alter. Darumb auch die
H. Tauffe nur ein zeichen oder scharbildung / sigel vnd
zeugnusse der wiedergeburt sey / gleich wie das Brod
im H. Abendmal ein figur oder zeichen sey des Leibs
Christi.

E Das

III.

Das Christus Menschliche Natur in alle Ewigkeit der Allmechtigkeit Gottes / weder teilhaftig noch schig sey. Dann das schicke sich so wenig / vnd sey so ungerckmbt / als wenn man sagte / ein stein könne in die Schul gehen / vnd lernen / oder einem Klotz könne man weisheit vnd lere eingiessen.

V.

Das des Herrn Christi Leib vnd Seele / auch der Name vñ Tittel der Allmechtigkeit nicht gebüre / noch mit warheit derselbigen zugeschriben werden könne.

VI.

Das Christus / ist in seiner herligkeit / nicht nicht wisse / denn ihme gebüre zu wissen / vñnd ihme von nöthen sey zu wissen. Aber alles wissen / das Gott weis / das were weder seinen menschlichen Geist / noch einiger Creatur in alle ewigkeit mitgeteilet / könne ihr auch nicht mitgeteilt werden.

VII.

Christus habe / nach der Menschheit / ein größern gewalt denn die Engel / vñnd andere menschen / vnd ein kleinern gewalt / denn Gott. Aber mit der allmechtigkeit Gottes / weder theil noch gemeinschaft.

VIII.

Das Christus / nach seinem menschlichem Geiſt ſo viel erkenntnus Gottes habe / als ihme Gott offenbare.

IX.

Das Christus / wie ein anderer menſch von Marien geboren / vnd ob ſie wol von keinem Man empfangen habe / ſo ſey doch ihr Jungfräwlicher Leib nach ſeiner geburt nicht vnuerſeret geblieben.

X.

Das Christus durch den Grabſtein / oder durch die verſchloſſene Thür nicht gegangen ſey / noch habe kónnen / mit ſeinem leibe.

XI.

Das die menſchliche Natur Chriſti / ons durch ihr leiden erlöſet habe / vnd das der Sone Gottes / im leiden mit ihr nichts gemein gehabt habe.

XII.

Das man die lehr / ſo die Göttlich warheit iſt / mit gutem gewiſſen nicht unterſchreiben könne / ſie ſey dann in einem Concilio zuvor approbirt vnd für recht erkant worden.

XIII.

Das die unterthanen / wenn ſie glaubens haben durch ihre Obrigkeit angefochten / ſich wider ire

Obrigkeit setzen / vnnnd so stark sie sind / mit dem
schwerdt sie bekriegen dürffen / so lang / bis sie ihnen
frieden in der Religion zusagt / vnd derselb gnugsam
versichert vnd besterigt wirdt.

XIIII.

Das man die Kezer / wann sie eines Irthumbes
oberweisen / vnd sich nicht wollen wiesen lassen / mit
dem feuer oder schwerdt richten sol.

Wann nun zu diesen Artickeln / auch die
drey obgemelte erschrockenliche Gottes lesterliche
Artickel gesetzt werden / Nemlich :

I.

Das Christus leib so weit vom brod des Abend-
mals sey / vnnnd bleibe / bis an den jüngsten Tag / so
weit der Oberste Himmel von der vntersten Erden ist.

II.

Vnd / das noch erschrecklicher zu hören ist / das
Gott mit aller seiner Allmechtigkeit vnmöglich sey
zuverschaffen / das Christus leib / zugleich im Himmel
vnd auff Erden gegenwertig sey / oder sein könne.

Ja das

III

Ja das Christo unmöglich sey / nur zu wollen /
 das wir sein leib mit dem Munde essen / vnd sein blut
 mit dem Munde trincken sollen.

Was köndte doch / Christlicher leser / gewlichers
 vnd erschrocklichers gesagt worden? Dann das in
 diesen Artickeln die Calvinianer öffentlich bekennen/
 vnd ihren Armen zuhörern für die Göttlich warheit
 verkauffen / vnd sie also nicht allein umb leib vnd gut
 bringen / sonder sie in das ewig Hellsch feuer setzen /
 nach dem wort Christi: Wehe euch Schriftgeler *Matth. 23.*
 ten vnd Pharisceer vnd heuchler / die ihr Land vnd
 Wasser umbziehet / das ihr ein Jüd genossen machet /
 vnd wenn ers worden ist / machet ihr aus ime ein kind
 der Hellen / zwifelzig mehr / denn ir seidt. *Matth. 23.*
 Gleiche gestalt hats mit den Calvinianern.

Das wir geschweigen / was sie von Gottes wesen
 selbst für menschliche törichte fanteseyen vnd gedan-
 cken haben / das nicht das wesen Gottes oder Gott
 selbst wesentlich in allen Creaturen gegenwertig sey /
 sondern allein sein krafft vnd wirkung / Als wann
 ein ander ding were Gottes gewalt / vnd ein anders
 Gottes wesen. Der ursach D. Luther von inen vor
 52 Jaren geschrieben hat / das sie nicht allein kein
 Artickel von der Person Christi / sondern auch von
 Gott vnd seinem wesen gar nichts glauben / vnd sey
 es darzu von inen in seinem hertzen gewis.

Matth. 23.

I.

Im buch / das
 diese wort /
 Das ist mein 2.
 Leib etc. noch
 fest stehen.

Welche


Welche Artikel ich hie zu ende erzelet wöllet/
 vnd da sie einen vnter denselben leugnen wol-
 ten/ sie mit ihren eigenen schrifftten vberwei-
 sen will. Auff das alle fromme Christen doch die-
 sen Geist lernen kennen/ vnd sich wissen vor ihm
 zuhüten/ als der aus einem irthumb in den andern
 füret. Wie sie sich dann noch anderer mehr greulicher
 Irthumb vernemen lassen/ die sie auch ausschütten
 würden/ wann sie bessern windt hetten/ Als: das
 Christus nicht nach der angenommenen Menschheit/
 sonder allein nach der Gottheit das letzte gericht hal-
 ten werde/ Item: es sey so hoch nicht daran gelegen
 wan wir gleich das Abendmal Christi nicht hetten.
 Vnd dergleichen anders mehr/ bis die armen
 leut endlich von Gott gar abgefallen/ vnd
 in das ewig verderben gerathen/ Davor
 der Allmechtige alle frome hertzen
 behüten vnd bewaren
 wolle/ Amen.



Dresden.

Gedruckt durch Matthes Seckel,

M. D. LXXXI.



EPISTOLA APOLOGETICA

Antike Geschichte

1711

Antike Geschichte

Antike Geschichte

1711

1711

Antike Geschichte

Antike Geschichte



Antike Geschichte

Antike Geschichte

1711

1711